

Na osnovu člana 5. Programa aktivne politike zapošljavanja iz oblasti poduzetništva na području Grada Tuzla za 2015. godinu („Službeni glasnik Grada Tuzla“, broj: 7/15), Služba za razvoj, poduzetništvo i društvene djelatnosti Grada Tuzla, dana 27.07.2015.godine, objavljuje:

**JAVNI POZIV**  
**za učešće u Programu aktivne politike zapošljavanja iz oblasti poduzetništva**  
**na području Grada Tuzla za 2015. godinu**

**I - Predmet Javnog poziva**

Javnim pozivom prikupljaju se aplikacije (prijave) poslodavaca (fizičkih i pravnih osoba) koji nezaposlenu osobu zapošljava, odnosno stručno osposobljava za rad na području Grada Tuzla u 2015. godini.

**II – Iznos novčane podrške**

Iznos sredstava za ovaj Program određen je u visini od 80.000,00 KM (osamdeset hiljada KM), a iznos novčane podrške po jednom zaposlenom radniku određen je u visini od 2.000,00 KM (dvije hiljade KM). Poslodavcu se može odobriti novčana podrška za zapošljavanje maksimalno 5 osoba.

**III - Pravo učešća**

Pravo za učešće u Programu aktivne politike zapošljavanja iz oblasti poduzetništva na području Grada Tuzla za 2015. godinu mogu ostvariti poslovni subjekti (fizička i pravna lica) koji ispunjavaju slijedeće uslove:

- imaju registrovanu poslovnu djelatnost na području Grada Tuzla,
- da obavljaju proizvodnu djelatnost, ili proizvodne usluge,
- da nezaposlenu osobu s evidencije Biroa za zapošljavanje Tuzla ima namjeru zaposliti po osnovu ugovora o radu na neodređeno vrijeme ili na određeno vrijeme sa rokom zapošljavanja, ili stručnog osposobljavanja za rad najmanje na šest mjeseci, ili je to u ovoj godini već učinio.
- da redovno izmiruje obaveze po osnovu poreza i doprinosa.

**IV- U ovom javno pozivu ne mogu učestvovati**

Aplikanti će biti isključeni iz učešća u pozivu ili iz dodjeljivanja sredstava novčane podrške za aktivnu politiku zapošljavanja iz oblasti poduzetništva na području Grada Tuzla, ako su u trenutku raspisivanja javnog poziva:

- (a) subjekti sukoba interesa;
- (b) krivi za davanje lažnih informacija ovlaštenoj strain za ugovore, koje su potrebne kao preduslov za učestvovanje u pozivu za novčanu podršku ili ako nisu dostavili potrebne informacije;

- (c) pokušali doći do povjerljivih informacija, uticali na komisiju za provođenje postupka dodjele, ili ovlaštenu stranu za ugovore u toku postupka.

## **V - Način prijavljivanja**

Prijave na Javni poziv podnose se na prijavnom obrascu kojeg je propisala Služba za razvoj, poduzetništvo i društvene djelatnosti Grada Tuzla.

Dokumentacija za prijavljivanje na javni poziv, koja uključuje (1) prijavni obrazac, (2) obrazac izjave i (3) Obrazac lista dokumentacije, može se preuzeti na web stranici Grada Tuzla ([www.tuzla.ba](http://www.tuzla.ba)), ili u Centru za pružanje usluga građanima (protokol Grada Tuzla).

Uz popunjen prijavni obrazac, aplikant je obavezan da dostavi i sljedeće dokumente:

1. dokaz o registraciji privrednog društva ili samostalne djelatnosti (ovjerenu kopiju);
2. obavijest o razvrstavanju prema djelatnosti izdato od Zavoda za statistiku (kopija);
3. broj računa u poslovnoj banci na koji će sredstva biti uplaćena;
4. karton deponovanih potpisa ovlaštenih osoba (kopija);
5. uvjerenje nadležnog organa o izmirenim obavezama po osnovu direktnih i indirektnih poreza;
6. uvjerenje nadležnog organa o izmirenim obavezama po osnovu doprinosa za PIO/MIO i zdravstveno osiguranje ne starije od tri mjeseca;
7. uvjerenje izdato od PiO/MiO o broju zaposlenih osoba za period od 3 mjeseca prije raspisivanja javnog poziva;
8. spisak osoba koje namjerava zaposliti, ili je zaposlio u 2015. godini, sa uvjerenjem o evidenciji Biroa za zapošljavanje Tuzla;
9. ovjerenu izjavu da će kao poslodavac osobu za čije zapošljavanje dobija novčanu podršku zadržati u random odnosu minimalno 6 mjeseci, o čemu će dostavljati odgovarajuće dokaze (potpisane i ovjerene platne liste osoba čije se zapošljavanje novčano podržava, kopiju izvadka iz banke iz kojeg je vidljiva isplata neto plaće i specifikaciju plaća za svaki mjesec (obrazac izjave uz prijavu);
10. ovjerenu izjavu da je upoznat sa činjenicom da u slučaju nepoštovanja odredbi Programa koji se odnose na vremensko razdoblje zapošljavanja, u narednih pet godina neće moći sudjelovati u bilo kom Programu zapošljavanja koji se novčano podržava iz budžeta Grada Tuzla (obrazac izjave uz prijavu).

## **VI – Provjera aplikacija (prijava)**

Kvalificiranost aplikacije provjerava Komisija, te sačinjava listu poslodavaca koji ispunjavaju uslove za novčanu podršku i sačinjava Prijedlog Odluke o odabiru poslodavaca.

## **VII – Podnošenje aplikacija (prijava)**

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (protokol Grada Tuzla) ili poštom na adresu:

**GRAD TUZLA**  
**Služba za razvoj, poduzetništvo i društvene djelatnosti**  
**Ul. ZAVNOBIH-a broj 11, 75000 Tuzla, Bosna i Hercegovina**  
sa naznakom:

**„Prijava na Javni poziv za učešće u Programu aktivne politike zapošljavanja iz oblasti poduzetništva na području Grada Tuzla za 2015. godinu – ne otvaraj“**

Javni poziv je otvoren do utroška sredstava, tj. do potpisivanja ugovora u vrijednosti raspoloživih sredstava, a najkasnije do 31.12.2015. godine.

Sve dodatne informacije o načinu i postupku učešća u Javnom pozivu, mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035/307-385.